



THE DAYBREAK.

“Wankantanhan Anpao kin hiyounhipi.”—Luke 1. 78.

VOL. XXIV

FOREST CITY, SO. DAK., JUNE, 1909

NO. 10

ANPAO - KIN:

REV. E. ASHLEY, - - - Editor
Rev. W. Holmes, - - - Assoc. "

Anpao wotanin wowapi kin wi iyohina, wiyawapi anpetu tokaheya eca wowapi tokšu kin ognawewicakiciyapi ece. Wi akenom (one year) on kašpapi yamni kajujupi kta.

Wi šakpe kin kašpapi wanji sam okise. Icupi šni itokab kdajujupi kta.

Wowapi askabyapi maša ana wanji qaiš nonpa owapi kin, mazaska cekiya. ANPAO KIN opeton okihihi kta.

Tuwa wowapi kagin kta ca wowapi ska sani el owa kta.

Opetonpi kta wowapi hiyukiyapi qaiš ed taku oyakapi kta cinpi na hiyukiyapi ca, wowapi ojuha akand deced owapi kta.

REV. E. ASHLEY,
Cheyenne Agency, S. D.

Yawaxteya Caxeyatapi Wowapi Wan.

ANPAO KIN icikoyagunyanpi qa wicoran wašte econ iyounpaštakapi kta wookihi yuha. Okodakiciye-wakan opapi tka abebeya tipi kin, hena iyotan otakiye wašte heca kta. Bišop waun kin eciyatanhan, taku ecamon onšpašpa oyakapi qa taku bduotanin kta wacin kin hena owasin, qa Tipiwakan iyaza omawani woyakapi kin hena, qa nakun Okodakiciye-wakan kin wotanin tawa toktokeca ed kagapi kta. Oyate unkita-wapi kin owasin Anpao kin icupi qa saun wicaša tokeca wicauppi nin ecanmi.

W. H. HARE,
Yewicašipi Bishop

Sioux Falls, S. D.

April 20, 1909

Niobrara Deanery Convocation kin he Kulwicaša tipi ekta, Paha wakan wakpala el, Messiah Tipi wakan ikiyela mniciiyin kta e le eciyatanhan wicakicopi. Tuktel econpi kte cin Owakpamni etanhan maka iyutapi aketopa, nahan Chicago Milwaukee & St. Paul maza canku opaya otonwe Reliance na Kennebec etanhan makaiyutapi akešakowin ecetu.

Friday (anpetu izaptan) July 16 hihanna napeiyunka sam okise apc cin hehan omniciye eyotankin kta.

W. H. Hare
Yewicašipi Bishop.

P. S.—Iwankab omniciye wicakicopi kta Tawayakiye hecetula kin on tawowapi kin el nakun lecel eye:

“Tohan niye eekiya Delegate na tona yapi kte cin wicacaje Ateyapi wicakipazopi kinhan iyowinwicakiyapi kta kohan ona-

hionwicawayin kta. Nakun omniciye kin he iyoptin na oyokipi kta e Ateyapi kin hena wawokiye wicawaši kta.

Walehantu omniciye econpi wašte iyukeanpi hecetuyala kin on piwala, na kekta omniciye wašte econpi kin tokin lehan iyecel oyokipi nin ecanmi.

ENANAKIYA WOYAKAPI.

Western Michigan obašpe okna Bishop un kin, Bishop McCormick he Greenville ekta St. Paul tipi-wakan kin okna March 3d, 1909, heehan Harvey S. Bush he Deacon kage, Rev. James A. Boynton, he Bishop en kahi, qa Bishop iyehca wahokonwicakiciye, wicaša wakan kin šakdogan en unpi, qa itayetu kin en yewicašipi on owacekiye tanka econpi. Mr. Bush he hekta omaka wanji gji Congregational wicaša wakan heca un tka, hekta omaka qonhan Okodakiciye wakan ope.

Pittsburg obašpe okna Bishop un kin he Ridgway ekta Grace tipi-wakan kin okna March 6, 1909, heehan Dr. Roger Charnock he Deacon kage, Rev. J. M. Robertson he Bishop en kahi, qa Rev. G. F. Potter, he wahokonwicakiciye. Dr. Charnock he Presbyterian wicaša wakan heca un tka, ake Good Shepherd tipi wakan kin okna March 14, 1909 heehan Harvey B. Marks, ee qa Dr. Robert C. Roscamp, henaos Deacon wicakage, henaos nakun iš eya Presbyterian wicaša wakan heca unpi tka.

Rev. W. R. Plummer, he Methodist wicaša wakan heca, qa hekta omaka yamni hehanyan New Albany, Ind. ekta Wesley tipi wakan kin he awanyake, tka decana enakiye qa tiwahe tawa ob Louisville, ekta St. Paul tipiwakan kin okna March 23, 1909, heehan wicayusutapi ecawicakiconpi. Mr. Plummer he Okodakiciye wakan kin en wicaša wakan wicohian onspeiciye kte qa St. Paul tipiwakan kin en wowakiya škan kte, tohanyan wicašawakan wicohian kikdeye šni kin hehanyan.

Des Moines, Iowa, ekta March 11, 1909, heehan Mrs. Ruth Morris te, August 22, 1807, he anpetu en tonpi, hecen omaka opawinge wanji sam omaka wanji sam wi šakpe sam anpetu akewanji maka akan ni šni.

Tuskegee, ekta Waouspekiya itancan kin Booker T. Washington he decena Robert C. Ogden kici Liberia makoce kin ekta wabdes-yewicašipi.

TAKUŠNIŠNI.

Hekta Blokehan Saglašata Maka owancayatanhan Yewicašipi omniciye tanka econpi qon, na icunhan Wopila Wošnapici kicunpi, mazaska 825,000 ecetu kin, he wanna Yewicašipi wicohian on wawokiyapi kta kašinigapi na lecel kiyušpapi: India \$250.000; Africa \$250.000 China 175.000; na Japan 150.000.

Porto Rico Yewicašipi Bishop lecala woyaka na eya, “Lecala Mayaguez otonwe el Pejihuta sapa omnaye tipi tani el šakowin Wicayusutapi ecawicawecon. Oyate kin he tipi kin he ototapi kin on omaka wanji ca mazaska 300 kajujupi. Tipi wakan wan el kagapi kta iyecetu lakaš wanna wicohian sam icage cin heon.

Cuba Yewicašipi obašpe el nakun Okodakiciye icaga, na otonwe wanji Matanzas eciyapi, el Wicaša wakan un na waniyetu nonpa icunhan wicaša 112 wicayusutapi opapi. Cardena otonwe el 28; Colon el 25; na Macaqua 82 opapi.

Nashville, Tenn. ekta lecala Wicaša wakan convocation econpi el Rev. Dr. Logan woyake na “Tohinni wocekiye oyanke wan waakinicapi na ecel šapi se icunhan Wicaša wakan kin he el ye cinhan na taku on tokaheya wahokonwicakiciye kta hecinhan awacin, na ohanketa Bishop Brooks ni un qon he iyunge. Ayupte na, ito Kowakata Yewicašipi wicohian kin on wowicakiyake na womnaye econ na yeya ye, eya. Yunkan econ na

etanhan itanyanpi, eya. Tanyan oyake, na oyate iyuha awacinpi iyeecca, icin tuwe Yewicašipi wicohian awacinpi šni, na on womnaye econpi šni, Itancan Tawocekiye el “Nitokiconze u nunwe” wicala šni na cin šni.

Korea makoce kin el oyate unpi kin Wowapi wakan lila cinpi na ignipi. He yawapi na Wakan-tanka on waslolyapi cinpi kin heon. Hecel Wowapi wakan lila opetonpi. Walpanicapi eša kajuju šniyan icupi šni, tka tokel kipi kin kicunpi ece. Lecala Wowapi wakan 20.000 kagapi šni, ecel henakeca cinpi. Korean oyate kin hena Pecokanbanska ošpaye hecapi, na Wakantanka wowicake kin na Cinhintku uši kin slolyapi šni tka, lehanl Wakan-tanka Toie kin he owapi hecinhan lila ablezapi kta cinpi kin otanin. Yunkan lecel ecinpica, Tokin Lakota oyate kin Wowapi wakan gluhapi kta opetonpi niš, nahan tokel Wakantanka eye cinhan yawapi na ablezapi nin ecinpica.

Turkos oyate kin he wowicala tokeca yuhapi, na tuwe wicakicilapi šni cana šicaya wicakuwapi ece. Turkey makoce kin el oyate toktokeca unpi, tka tona Christian hecapi kin ohinni iyotaniyekiyapi ece. Eya Wicašayatapi (Sultan) tawapi kin tawacin ecinšniyan kin on otakiya Turk wicaša kin teliya akipapi, na taku teca onspepi naiš iyooptapi kta cin šni. Yunkan blokehan Turk wicaša tona oyate sanpa iyooptapi kta cinpi kin, naičijinpi na Sultan kin he ito Wooke Itancan (Constitution) wan ognawikanpi kta keyapi, yunkan ecetu kta keya, na etanhan oyate kin he toktokecapi kin ob lila iyuškinpi, tka Sultan kin he wicaša šni, na našimala škan ece kin on, lecala ataya yuptyayela kta kuwa na heon wicaša lila ota, na Christian ota wicaša wakan ko wicakte wicaši. Lehan ake Turk teca kin wooke itancan nakicijinpi kin hena akicita ota mnawicaye na Sultan otonwe wan el ti kin ekta yapi na yulheyab elpeyapi na Sultan sunkaku kin he Itancan kagapi. Hecel letanhan oyate kin kitanna tanyan unpi kta ecinpi.

THE DAYBREAK.

REV. E. ASHLEY: : : : EDITOR

REV. W. HOLMES. Assoc. Editor

THE DAYBREAK is published monthly in the interest of the Protestant Episcopal Church among the Sioux Indians of South Dakota.

The subscription price is 30 cents per annum and may be paid in one or two cent postage stamps.

Single subscriptions for six months, 15 cents.

All subscriptions and matter for publication should be addressed to

REV. E. ASHLEY
Cheyenne Agency, S. D.

Letter of Commendation.

The tendency of THE DAYBREAK is to provoke to good works and to bind us together. It will be a special help to the scattered members of the Church. Besides other Church news, it will contain my official notices and accounts of my official acts and visitations. I hope our people will take it and circulate it.

W. H. HARE,
Missionary Bishop

PRINTED at the office of the "Forest City Press."

ENTERED at the Postoffice at Forest City, So. Dak., as second class matter.

Wotanin-wašte Ayapi On Wocekiye.

Anpetu iyohi wicokaya he cin ehan heyapi kta:

Wanikiya wašte isto wacantkiye nita-wa glugal. canicpawega akan otkeyahan yann tka qon. maka akan wicaša unpi kin owasin Niye ekta etonwanpi qa niwicayapi nunwe. AMEN.

WAKANTANKA Iyotan wašake cin. Woksapu ed Itancan kin, Woksapi Nitawa kin ed Itanipi kin nakun sanpa yewicayaši kta e onšičiya icunnicciyapi: hecel Waawanglake wicaka na wacinyepica heca iyenakecapi kin on Okolakiciye-wakan nitawa kin iyuskin kta, na Nitokiconze wašte oicago tawa kin yutankapi kta; Jesus Christ Itancanunyanpi kin eciyatanhan. AMEN.

O WAKANTANKA, tuwe wicawe wanjila on, wicaša oyate hiyece cin oyasin maka kin owancaya etipi kta e wicayakage cin, na tona itchanyan naiš kiyela unpi kin, wocłiye owicakiyakin kta e Nicinea wašte uyaši qon; wicaša oyasin onilepi na iyenianpi nunwe. Oyate kin optaye nitawa kin opewicaya ye, na Ikcwicaša kin wokiconze nitawa ekta awicagli ye. Tona wicayeco kin ecela wicaluecetu. na nitokiconze kin kohanna uyakiyin kta icunnicciyapi; Jesus Christ Itancanunyanpi kin hee eciyatanhan. AMEN.

O ITANCAN, tona nunipi kin hena awicayakite, ca niwicayayin kta e yahi kin, na malpiya ekta na maka akan wowašake-ataya nicupi kin, tona econwicayaši kin eciyatanhan, wicaša otioyohi Wotanin Wašte kin owicakiyakapi kta e iyayapi kin, on Okolakiciye wakan Nitawa kin wocekiye eye cin nayahon kta e icunnicciyapi. Taku wokokipe el ipi kin owasin etanhan ewicayaku ye; maka puze cin wokokipe kin etanhan, mini wokokipe kin etanhan: makošica on wicate cin etanhan: šicaya wicakuwa toohitika kin etanhan: wocetungla na inahnipi etanhan: wowacinibošake na owolutaton kin etanhan: na oiyokpaza itancan iciconza-pi kin owasin etanhan ewicayaku ye. Na wojupi na minitakaštanpi kin icunhan wicahye cin, Niye, O ITANCAN, uwicakiciya ye, Ikcwicaša wicota hein omnawicaya ye. Christian tamakocepi kin ekta tona wowanikiye hińsko tanka aktapi šni kin hena wicayuhomni ye, hecel, O Maka Wanikiya waonšila kin, Nicaje yatanpi kta na Nitokiconze u kta: Niye. Ateyapi kin na Woniya Wakan kin ob woyuonhan na wowitan luha, nunwe, maka owihanke waniul. AMEN.

Wotapi šni Itokam Wocekiye wan.

O ITANCAN, wopila unnicapi. Wotekłapi kin wolwicaya ye, na wicaša oyasin, maka sitomniyan, Wiconi Aguyapi ni un kin Malpiya eciyatanhan hi kin be ołepi na iyeeyapi kta e icunnicciyapi. AMEN.

Grace Before Meals.

THANKS be to Thee, O Lord. Feed the hungry, and grant that all men, everywhere, may seek and find the Living Bread which cometh down from Heaven. AMEN.

OKOLAKICIYE WAKAN KIN ON WIWICAWANGAPI WAN.

WOONSPE IAKESAGLOGAN

Syria (Siria) Okolakiciye kin.

W. Omaka opawinge iakešakpe qon, hechan Syria Okolakiciye kin (St. Thomas kađe qon) heon taku iyeeyapi he.

A. He hehan Portugal etanhan wicaša icimanipi na Malabar ohuta kin opaya tipi wakan opawinge isanpa iyeeyapi na lena el wicaša wakan obe yamni kin, Wakiconzapi kin hena, na Liturgy (Wocekiye wowapi yuha unpi).

W. Ohinni taku yuhapi he.

A. Episcopacy (Bishop wicołian) na ocon kin omaka opawinge akeyamni icunhan yuhapi.

W. Hecel omaka opawinge akeyamni icunhan taku gluhapi ece he.

A. Bishop owecinhan unpi, na Antiyoka el kađapi ece e yuhapi.

W. Okolakiciye tawapi kin he tuwe wicakicahipi keciyapi he.

A. St. Thomas Wahošiye kin he.

W. Icimanipi el hipi qon Syria wicaša tokel ewicakiyapi he.

A. "Niye nitakupi eša, unkiye wowicala wicakapi kin el unqonpi, lakaš Antiyoka, tuktel waonspekiyapi tokaheya Christian ewicakiyapi kin heciyatanhan unkupi ce" eyapi.

W. Portugal wicaša kin hena (Šinasapa hecapi) tokel wicaknwapu he.

A. Šicaya wicakuwapi na wicaša wakan tawapi hunli yuzapi na wicaktepi.

W. Hecel wicota tokel econpi he.

A. He ekta najicapi, na woyakapi wowapi, na wowapi toktokeca yuhapi kin oyas namanłipi, na hel wicašayatapi un kin woawan-yake tawapi on owicakiya ece lakaš.

W. Omaka 1806 he chan Syria Christian kin hena tuwe iyewicaya he.

A. Saglaša Okolakiciye etanhan wicaša wakan wan, Dr. Buchanan eciyapi hee, he chan India ekta ye na oyate kin hena wanna omaka opawinge nonpa hehanyan toki unpi tanin šni owicale hi qon iyewicaya.

W. Taku on owicale he.

A. Anpetu oyakapi tawapi kin, na Wowapi wakan owa tawapi ablesičiye kta heon.

W. Nakun taku on owicale he.

A. Iye iapi tawapi etanhan India iapi ohna wowapi wakan ieska kaliwicakiye kta heon.

W. Iyewicaye kta on tokel okihikiyapi he.

A. Rajah (Wicašayatapi) kin ekta hi na iye tonweya heca qu na oyate el wolakota kta he mazana-peupe wan qu.

W. Hecel tuktel iyewicaya he.

A. Makoce imahentu lin entu, na hel Bishop ookiyepi eceli yuhapi, woope ko, na wocekiye tawapi ecelan na owotanla yuha unpi iye-wicaya.

W. Dr. Buchanan, Tipi wakan tawapi kin on taku eya he.

A. Saglaša tokel inyan on tipi wakan kađapi iyecen kađapi. O-janjanglepi kin pestola yuštampi na mahentu ayucopi ece keye.

W. Syria wicaša wakan kin he-yake tokeca kičunpi he.

A. Ho, cekiypapi eca heyake ska kičunpi.

W. Dr. Buchanan wowapi kin on taku iwahowicaya he.

A. Wowapi wakan kin iapi, makoce kin hel unpi okna ieska kađapi kinhan Saglaša mazaagli-heya wicakiye kta qa wicagu kta kewicakiya.

W. Hecel wicaša wakan (Priests) kin ieska kađapi kte cin on tuwe awanwicayake kta keya he.

A. Syria okolakiciye el Bishop Itancan okinihan kin, tuwe Kandenad otonwe el ti kin, wicaša owotanna heca, qa okolakiciye kin on itani heca hee.

W. Bishop kin le, Dr. Buchanan tokel wiyunga he.

A. Okolakiciye wiyolıpevata unpi, na Šina Sapa etanhan igluškapi kin on wanahon cin na wiyunga.

W. Dr. Buchanan tokel ayupta he.

A. Okolakiciye ota ičicagapi na etanhan hunli wicaša wakan obe wanılan yuhapi oglakin kta išteca keya.

W. Bishop kin he nakun taku iyunga he.

A. "Okolakiciye kin hena el tuwe ogligle naiš waawanglake un he" na Diakon wicaša wakan heca yuhapi he.

W. Tokel ayupta he.

A. Okolakiciye tona cajeyatapi taku heca yuhapi šni, keya.

W. Hehan Bishop kin tokel eya he.

A. "Wan! Presbyter (Hunkayapi) unpi kin awanwicayake kta tuwedan yuhapi šni he. Hececa kinhan taku owotanla un šni" keya. Okolakiciye wanji Bishop colan un kin lila woyušiye ya heca.

WOONSPE IAKESAGLOGAN—ONSPA INONPA.

Wicaša Wakan Tawicołan Kin---Diakon.

W. Wanna taku awauncinpi kta he.

A. Christian ookiyapi el obe iyamni tawicołanpi kin hee.

W. Ookiyepi ihukuye cin, iš obe iyamni kin, tokel ewicakiyapi he.

A. Wowapi Wakan en Diakon ewicakiyapi (1 Tim. 3: 8-10).

W. Diakon wicakađapi qon woyake cin he tuktel iyeunyanpi he.

A. Wahošiye Ohanyanpi qon wicowoyake išakpe kin el. He el wahošiye kin Diakon šakowin wicakađapi oyakapi.

W. Diakon taku tona econ okihi he.

A. Wahokonwicakiya, šiceca Baptisma wicagu na okolakiciye ocon kin yawa okihi, tka lena el woałtani yutokan iyeeyapi kin na Woyawašte kin hena yawa okihi šni

W. Nakun taku econ okihi he.

A. Priest kin Itancan Htayetu Wotapi wicagu eca he okiya okihi.

W. Diakon kin okolakiciyapi wakan el aguyapi kin na miniša kin he yuwakan okihi he.

A. Hiya; Bishop naiš Priest wan išnana hecon okihi.

W. Juda Okolakiciye kin ha el le iyececa wicołan yukan he.

A. Ho; Juda okolakiciy kin el ocon tona iyotan wakan kin wošna kađe Itancan kin naiš wošna kađapi kin išnala econ okinihi.

W. Wošna kađapi icunhan Leyite unpi kin tokel wicołan yuhapi he.

A. Wotece wicaktepi, tuka we kin he wošnakagapi (Leyite napepi etanhan icupi kin na wahna wošnapi kin akan annimnihi.) (2 Anpetu oyakapi 30:16.)

W. Diakon wanji Priest kađapi kta hecinhan itokan waniyetu tonakeca kta iyececa he.

A. Waniyetu wikcemna nom sam topa kta.

Priest.

W. Ookiyapi kin el obe inonpa kin tokel ewicakiyapi he.

A. Presbyters naiš Priests ewicakiyapi.

W. Priests tokel wocikihi yuha he.

A. Wakiconzapi nopin econ, okolakiciye toecon owasin yawa kta, wowahokonkiye kta qa omnicciye awanyake kta wookihi yuha.

W. Priest kin hena tokecapi wicayuwakanpi kta okihihi he.

A. Hiya; Bishop un kin okolakiciye pa se ecela hecon okihi.

W. Hecel tohan Priest wan yuwakanpi kta eca na Bishop kin nape aputake cin icunhan, tokaca Priest en unpi kin kici nape aputakapi he.

A. Priest kin hena wanji nape aputakapi kin wicaša kin he Priest opekiyapi kta hecetu lakapi on yutaninpi; tka Bishop kin išnala wookihi yuhekiya okihi.

W. Wicaša wakan nukitawapi kin tokel wacinwicunkiyuzapi kta iyececa St. Paul eya he.

A. Tona wahokonnicciyapi kin hena anawicagoptan po, na wicahukun iyeičiya po, hena ninađipi kin on awanniyakapi oglakapi kte cin iyecen.

W. 1 Thessalonika, wicowoyake 5 qa oehde 13 deon miciyawa wo.

A. "Qa wicołan yuhapi kin on etanhan wacantkiyapi on sutaya cante el wicayuzo po."

W. Oyate kin lecen wacinwicakiyuzapi kte cin taku on heca heconpi kta he.

A. Unnađipi awanyakapi kta he Wakantanka wicakalniga na yewicaši kin he on.

W. Tona taokiya tawoonspepi aktapi šni kinhan on Wakantanka canze kta he. (Luke 10: 16).

A. Ho, lakaš Christ eya ce "Tuwe walitemilapi šni kin he miye e walitemala šni; na tuwe walitemala šni kin, he unmaši kin hee walitemala šni ece."

Bishop (Episkopoi).

W. Ookiyapi kin el tuktel wanji tokahan he.

A. Bishop kin hena (Bishop wicołe kin Saxon wicołe Bishop eyapi kin etanhan).

W. Obe kin le tukte wanji akiyececa he.

A. Wotakuye teca kin en, obe wanji Apostoloi ewicakiyapi kin iyececa (Dakota wahošiya, yewicašipi eyapi ece).

W. Tokaca Bishop ewicakiyapi

na lehan Apostoloi ewicakiyapi šni he.

A. Hena itancan Jesus iye hea yewicaši, na wicahakam upi kin wicayuonihanpi kta cinpi on hececa.

W. Tuktetanhan lecel unkon-spepi he.

A. Theodoret, Cyprus el Bishop un kin etanhan, "Lehan tona Bishop ewicakiyapi kin hekta qon Apostoloi ewicakiyapi" keya.

W. Ambrose, Milan el Bishop un qon tokel wayatanin he.

A. "Tona nakaha Bishop caš-wicuntonpi kin ehanna Apostoloi ewicakiyapi, tka Apostoloi wanna tapi kin cajepe ikikeupi kte iyecece šni iyukanpi, hecel wicacaje kinu-kanpi na Presbuteroi (Hunkayapi) kin hena Presbyter caje kin yuhe-wicakiyapi na iyepi Bishop wica- caje ikikeupi."

W. Nakun Bishop kin hena A- postoloi toyuonihan yuhapi taku yuwicaka he.

A. Okolakiciye wakan kin ta- woyake owapi kin hena, Okolaki- ciye itancanpi se on wicoicage cin na Bishop owecinhan upi ecel owa- pi kta tanyan iwanyankapi ece.

W. Bishop wicacaje wowapi, Apostoloi taanpetupi kin etanhan lehanhanyan, taku nnyuhapi he.

A. Jerusalem, Rome na Anti- yoka okolakiciye kin on Bishop wicacaje wowapi kin hena ee.

W. Presbuteroi na Diakonoi on wicacaje wowapi hea nakun yuha- pi he.

A. Hiya; hena lila wicetapi hea lakaeš lecel owicawapi pica šni selececa.

WOONSPE IAKESAGLOGAN —ONŠPE 3.

Bishop Nakun on.

W. Bishop wicohian tawa hea he taku he.

A. Wicaša toktokeca, ookiyapi kin el opewicaye ca wicayuwakan kta hee.

W. Le on St. Paul, Titos wo- wapi qu qon wicowoyake tokaheya na oegle izaptan micayawa yo.

A. "He etanhan Krete el yan- ke ciši na otonwe otoiyohe el Presbuteroi (Hunkayapi) wica- yakaže kta e on.

W. Woonspe on tokel Bishop olianye kta he.

A. Timothy, tuwe Ephesos el Bishop un qon St. Paul "Ephesos el owauji oyanke ši na wanjięji woonspe, tokeca oyakapi kte šni e iwahokonwicakiye kte cin heon."

W. Bishop kin nakun taku econpi kta he.

A. Wicaša Wakan wicihukun unpi kin olianpi kin awanyakapi kta.

W. Leon, St. Paul, Timothy to- kel waktakiya he.

A. "Waayatanin nonpa, na ya- mni lube šni kinhan Presbyter un kin wanji wiyaonpapi unpi kin anaęoptan šni yo (1 Tim. 5:19.)

W. Nakun taku wicohian yu- hapi he.

A. "Taku tona yuštampi šni kin hena wiyeya egnakapi kta."

W. Tona Priests naiš Diakon- oun kin opapi kte cin tuwepi kta hecinhan Bishop wicakalnięe kta he.

A. "Qa miye etanhan takn na- yalon, wicota yaotaninpi qon hena wicaša wacinyepica, tona tokal on- spewicakiya okihihi kin hena wicagu yo." (2 Tim. 2:2)

W. Tokel St. Paul, Timothy itonpe ši he. (1 Tim. 5:22)

A. Olankoya tuweni nape apu- take kte šni ši.

W. Nakun tokel econši he.

A. Wicoie kin oyaka yo, owo- tanna wicakaže wacin, iyopewica- ya, wahokonwicakiya yo, woonspe na wawacinkta yuzapi tanka kin on, eya.

W. Bishop išnala taku econ okihihi he.

A. Wicaša wakan wicakaęapi, wicayusutapi ecawicakiconpi na Tipi Wakan wicayuwakanpi kin išnala econpi ece.

W. Nakun Bishop taku econ he.

A. Omniciye tanka na oaptetu Diocese el econpi kin el Itancan yanka ece.

W. Diocese eyapi kin he tokel kapi he.

A. Makobašpe wan naiš Okola- kiciye obašpe, Bishop wan awan- yaka ece kin he kapi.

W. Diocese wanji el Tipi wakan ota ece he.

A. Ho, opawinęe is isanpa el unpi kta kipi.

W. Wacekiya omniciye (parish) tona Bishop kalnięapi na yuhapi kta okihihi he.

A. Hel Parish šakpe kta, na omaka iyohi omniciye el kalnięiye- wicašipi heca, na Wicaša Wakan šakpe wanna omaka wanji Tipi wakan awanyakapi kin hecen on Bishop kalnięapi, yuhapi kta wiyokihhi.

W. Diocese wanji el Bishop tona el unpica he.

A. Wanjidan, tuka wanna wicalica naiš woyazan on tawicoh- an owasin econ okihi ši kinhan hehan Bishop ookiye wan yuhapi- ca.

W. Wicaša oyasin taku econ- pi kta iyececa he.

A. Wahosiye woonspe tawapi na wolakota tawapi el sutaya unpi kta iyececa.

W. Tona Christian hecapi oęla- kapi tka heconpi šni kinhan, Bishop kin he on token wookihhi yuhapi he.

A. Okolakiciye Wakan tankal yewicaye kta he okihihi.

W. St. Paul, Titos Krete el Bishop un qon, wowapi kicaęe eiqon etanhan womakiyaka yo.

A. Wicaša waakinica un kin he wancala, na inonpa iyoheyapi kin ihakabya hecyab iyeya yo (Titos 3:10.)

W. Okolakiciye tannila omn- iciye tanka kin hena taku he.

A. Bishop wicota himniciyapi kin eakel naiš iguuhala taku econ- pi kin hee.

W. Takn on mniciyapi he.

A. Wooke kaęapi kta, taku akinicapi yuštampi kta na wowicala akaęapi kte šni iwanyakapi kta heon.

W. Owancaya omniciye eyapi kin he tokel kapi he.

A. He makowancayatanhan Bishop el hipi na omniciye tanka econpi he kapi.

W. Omniciye heca etanhan tona iyotanlakapi he.

A. Lenaee. Nice omniciye omaka 325 he ehan econpi hen Bishop 318 opapi; Constantinople A. D. 351; Ephesos Omniciye 431 omaka kin el; Chalcedon, 451 omaka kin el; Constantinople omniciye inonpa 553 omaka kin; na Constantinople omniciye iya- mni, 630 omaka kin el.

ST. ANDREW SUNKAKICIYAPI.

Niobrara Deanery en Provincial Chapter un kin tokata June 4-9 Sisseton ekta, St. James Chapel en mniciye kte cinhan token Omnici- ye occon kte cin qa taku iwokdakapi kte cin dena ee.

Friday, June 4—

7 A. M.: Wotapi Wakan icupi kta.
9:30 Ikiciyuškinpi woeye..... Rev. John Robinson
Woayupte kin Rev. E. Ashley
11: Wowahokonkiye Rev. H. Burt
11:30 Oitancanpi kin piwicayapi kte.
12: Yewicašipi on wocekiye.
2: P. M. St. Andrew Sunkakiciyapi kin taku on yahi he?
Rufus Day
2:30 Omniciye toktokecapi kin ekta token iciyounwajapi?
Philip Ree
3:15 Wicaša wakanpi kin ekta token iciyounwajapi he?
Rev. L. C. Walker
3:40 Token hokšipina kin onspewicakiye pica he?
Joseph Chapman
4:30 Lent icunhan Wocekiye oecon kin, qaiš Anpetu wakan yawapi toktokeca en wocekiye hena tokae wicapi kin en unpi šni he?..... William Lee
5: St. Andrew Sunkakiciyapi opa wan omaka wokajuju kin he econ šni un kinhan token econpica he?
7:30 Wowahokonkiye..... Rey. Wm. Saul
8: Tapi on wokiksuye wocekiye eyapi kta.

Saturday, June 5—

7:00 A. M.: Wotapi wakan icupi kta.
9:30 Taku toktokeca iwokdakapi kta.
10:30 Wicaša watokecapi e Miniawicakaštampi en waewicaki- ciyapi kta iyececa he? Louis Claymore
11: Iyaza omani kta wan wanna yuhapi kta iyececa he?
Henry H. James
11:40 to 12:15 } Wicokaya omniciye. "Christ tokiconze."
Rev. L. C. Walker
1:00 P. M.: Iteowicawapi kta.
2: St. Andrew Sunkakiciyapi opa wan itomni sa e sdonyapi unkan he wowidagyepica he?..... Felix Rondell
2:30 Tuwe St. Andrew Sunkakiciyapi opekiyapi kte cinhan tuktentu qa watohan econpica he?.... Zenas Graham
3: Sunkakiciyapi Oadetka hiyece cin token mazaska yuhe kta iyececa he? John Feather
3:30 to 5: Baptisma eyapi kin he taku he? Rev. Eug. St. Bull
1. "Christ ematanhan." Thomas Kitto.
2. "Wakantanka cinca." Thos. W. Tuttle.
3. "Małpiya wokiconze kin tawawaye kta."
Clement White.
5:30 Wicayusutapi eyapi he taku he?... Rev. J. Flockhart
7:30 Wowahokonkiye..... Rev. W. Holmes

Sunday, June 6—

7:00 A. M.: Wotapi wakan icupi kta.
10:30 Hihanna wacekiyapi kta.
2:30 P. M. Wowahokonkiye..... Rev. H. W. St. Clair
3: Wašicun-Dakota Wowahokonkiye.
7:30 Woniya wakan on taku unkokihihi kta e token econ- qonpi kta he?..... Rev. Jos. Goodteacher

Committee,

Wm. Holmes
Jos. Goodteacher
L. Claymore
H. H. James
Rufus Day.

WOMEN CONVOCATION TENT 1909,

Winyan Convocation Wakeya on.

Sisseton, So. Dak.—

St. John Baptist.....\$ 3.50

Wakpala, So. Dak.—

St. Elizabeth Branch.... 3 00

Cheyenne Mission, So. Dak.—

St. John's 3 00

St. Mary's 2 50

Ascension 2 00

St. Paul's 5 00

Calvary 2 00

St. Barnabas 2 00

16 50

Crow Creek, So. Dak.,— 16 25

Greenwood, So. Dak.—

Church of Holy Fellowship

Guild 5 00

Chapel of the Holy Name 10 00

Chapel of St. Philip 5 00

20 00

Santee Agency, Neb.—

Church of Our Most Merciful Saviour..... 5 00

Chapel of the Holy Faith 1 00

Chapel of Our Blessed Re- deemer 5 00

Hattie Weston 50

11 50

Rosebud, So. Dak.—
 St. Peters\$ 1 25
 St. Marks 3 25
 St. James 2 00
 St. Thomas 5 00
 St. Andrews 2 00
 Agency 2 00
 Trinity Chapel 13 00
 Mediator Chapel 10 35
 Advent Chapel 3 70
 Mrs Brave Bird, Cut Meat
 Creek 1 90
 Mrs B P Lambert 10 00
 54 45

Pine Ridge, Corn Creek—
 Church of the Inestimable
 Gift.....\$ 5 15
 St. Barnabas Chapel..... 1 00
 Gethsemane Chapel 3 50
 Faith Station..... 2 00
 Trinity Station..... 2 00
 From the Convocation fund 14 00
 27 65

Pine Ridge—
 St. Mary's, Sand Hill.....\$ 10 30
 St. Mary's, Grass Creek... 3 90
 14 20

Total\$ 167 C3
 Rebecca F. Holmes,
 Treasurer

Gamble, S. D.,
 St. Mary's Chapel.

Anpao kin:

Wayatanin ciši kta. Le he-
 kta Dec. wi kin el Mrs. Burt ja-
 otanin na oyanke ecel wicincala
 omniciye icagin wašte keya canke
 hektatanhan awacin wau na le
 St. Mary's Chapel, Sand Hills
 oyanke el wicincala omniciye un-
 kagape, na eya wicincala ciqapila
 kin hena wayawapi canke wowaši
 oecon kin telika eša iye tipi ekta
 taku tawapi kagegepi na tohan
 Saturday el mniunkiciyapi na taku
 yuštampi kin hena kicahipi kta
 hecel unkeyapi. Tohan mniunki-
 ciyapi ca el Itancan Tawocekiye,
 na Wowicala, na Woahope wi-
 keemna kin hena onspeunkiciya-
 pi. Icin wicincala ciscipila kin
 hena nahali Wicayusutapi econpi
 šni kin on na wicincala ciqapi eša
 taku on leconpi kin slolunyanpi na
 waštelakapi. Na winyan tankapi
 tokel woi-tancan yuhapi kin iyecel
 yuhapi šni. Woi-tancan tom yu-
 hapi ca le cajepi wanlakapi kta, na
 tohan waceyakiyapi can unyeksu-
 yapi nin unkecinpi. Lena woi-
 tancan eepi: Pres., Jennie M.
 Vlandry; Treasurer, Lucy Cotter;
 Secretary, Lizzie Allen; Collect-
 or, Grace Stover. Lena opapi:
 Edith Stover, Laura Stover, Hat-
 tie Vlandry, Maud Vlandry, Em-
 ily Lessert, Niam Russell, Julia
 Allen, Rhoda LaBuff, Annie
 Carlow, Gertie Stover, Hattie
 Stove, Threasia Hawkins.

Tona Anpao iyacupi kin oyasin
 cante wašteya napeunniyuzape.

Jennie M. Vlandry.

St. Peter's Station,
 Ironwood Creek.

Anpao kin:

Kola hekta wowapi unničupi
 yunkan Anpao kin el eyagnake šni
 ca heon wowapi kin le ake unni-
 cagapi kola. Hehanl St. Peter's
 Tipi wakan unkitawapi el March
 1, 1909, wowi-yuškin tanka unyu-
 hapi, Bishop Johnson unkicipi un
 na hehanl koška na wikoška aketo-
 topa taku wacinyanpi gluwicakapi
 ca lila piunkilapi na Wakantanka
 ounkiyapi unkecinpi. Koška na
 wikoška kin lena cepi: Frank
 Zitkala nonpa, Jacob Wagmiza
 tanka, Chas. Wahpe wicaša, Mar-
 tin Hopepe, George Talca maza,
 Isidore Bordeaux, Mary Tašunke
 wankantuya, Lizzie Wagmiza tan-
 ka, Masy Isto. Nellie Runs over
 them, Stella Hehaka wašte, Lizzie
 Natan tokahe. Ho lena Wakan-
 tanka el itakinipi kta tka ituye
 kte šni. Matt. 20: 1-14 le el wi-
 coiye kin lena weksuya. Tona
 Anpao wanlakapi kin iyuha unki-
 tawacinpi ataya on nape unniyu-
 zapi. Tohanl wocekiye ehapi
 canna unyeksuyapi nin unkecinpi.
 Chas. Cloud man.

Rosebud, S. D.,

Spring Creek district.

Anpao kin:

Kola lena unyecilaotanin kte
 lo. Itancan kin, William Sinte
 gleška; Itancan okihe, Joseph Aki
 na Inyanka; Wowapi kaga, Thom-
 as Tatanka ciqala; Mazaska awan-
 yaka, Andrew Tacanonpa wanbli;
 lapi awanyaka, Isaiah Kahanzi;
 Wamnaye cin, Joseph Beads; Wa-
 yazanka awanyaka, William Wan-
 bli mani; Tiyopa awanyakapi,
 Daniel Wanbli cincala na George
 Pisto. Wicaša wikcemna topa
 sam wanji.

Winyan omniciye lenakecapi,
 43. Winyan Omniciye oitancanpi
 kin. Unciyapi tokaheya, Laura
 Tatanka ciqala; Unciyapi okihe,
 Millie Guern, Wowapi kaga; Lucy
 Wanbli ciqala, Mazaska awanya-
 ka; Mary Oti wašte wir, Woka-
 gege awanyaka; Sarah Pisto,
 Wokagege wiyopeye; Julia Boat
 Nail na Alice Shoots at Him,
 Wamnayanpi; Nellie Guern na
 Bessie Eagle Feather, Wayazan
 awanyakapi; Rebecca Kahali na
 Rebecca Waliyokatan, Tiyopa a-
 wanyakapi.

Anpao kin, kolaniye mašipi ca
 on wowapi ciga kte lo. Wiwila
 wakpala Šinaska Okolakiciye oka-
 špe wan unqonpi he yaotanin ma-
 šipi heon tokel unškanpi kin na-
 yahonpi kte lo. Eya he tuwepi ka
 hwo wacanipi kta nacece lo. Blo-
 kehan Oglalata mniiciye unyanpi
 on hehan onšiyakel tacanpagmi-
 yayapi olota eya tokahepi on hena
 unkiyepi lo. Heon wicaša na
 winyan wakanheja ko 87 unkupe
 lo. Ho heon onšiyehci Tipi wa-
 kan wanji unciupi, heon Anpao
 tona kolayayapi kin le nawayonpi
 unciupi. Tuwe keša tokin on-
 šiunyalapi na onnyakiyapi nin un-
 kecinpi lo. Ho anpetu wakan
 iyohila yupiyakel wocekiye econ-
 qonpi na ungluštampi ca mniunki-
 ciyapi. Hehan Itancan Itayetu
 wotapi icupi kin lenakecapi lo 32.
 Moses White Shield onšike un
 kin he miye.

Manderson, S. D.

Jan. 22, 1909, Jasper Scout na
 Jacob Bear Foot, hena tanka Mini
 awicakaštampi. Rev. Neville Joy-
 ner wicakiciyuštani.

St. Paul Tipi wakan ogna March
 14, 1909, icunhan wakankiciyuzapi
 yamni econpi. He John Ghost
 Dog na Grace Ghost Dog; Frank
 Bald Eagle na Emilia Bald Eagle;
 David Shot na Maggie Shot, hena
 yamni kiciyuzapi. Rev. I. H.
 Tuttle wakankiciyuswicakia.

Nakun he icunhan wakanheja
 wanji Miniakaštampi, he Moses
 Women Dress, Edgar na Alice
 Women Dress cincapi. Rev. I.
 H. Tuttle kiciyuštani.

Nakun iyehan St. Paul Chapel
 ogna Koška nom igluacetupi. He
 Fred Cut Grass na Luke Plenty
 Bird hena cepi. Koška kin deni-
 yos tanyan oonyanpi selececa,
 akantanhan wanwicunyakapi kin
 eciyatanhan; hececa eša iye tawa-
 cin kin ekta iwanglakapi yunkan
 okinni Taku Wakan kin he taku
 iyokipi šni wanjikji econpi wan-
 glakapi naceca na heon icanšicapi
 na wanna hena ayuštampi kta e
 ičiconzapi, na ohinni Christ taaki-
 cita wašte hecapi kta e ičiconzapi
 na awaciupi na heon heyapi selece-
 ca. "Ito nawajin ate ekta wagni
 na bewakiye kta, Ate, malipiya
 itokab, na niye nakon nitokab, wa-
 wahtani, na letanhan cincamayaye
 cincamayaye kta iyemaceca šni.
 Heceel wowicake cin woiyopeciye
 kin he Wakantanka iyokipi na
 iyecel wicakiciyaju. Heceel un-
 kiš tona Wakantanka wacinun-
 yanpi qon hena ohinni wowawi-
 yutanye atatin šniyan, nainš
 taninyan econpi wanjikji el iyeun-
 kičiyapi kin hena tohanl slolunki-
 yapi kin unkiš hena tanyan
 econqonpi šni kin Taku Wakan
 unkičicajupupi kta iceunkiyapi kin-
 han wancake econ kta iglutatin.
 Heon tohanl Wakan eciyapi kin
 el unyanpi kin taku tona tanyan
 econqonpi šni kin hena unkičicaj-
 upupi kta on igluwiyeya unyanpi
 na he wowicake on econqonpi kin-
 han iyecel ecaunkiconpi, na Iye
 wicoksape sampa unqupi na woya-
 wašte unqupi kta. He ognayan
 koška kin lena awacinpi na ogna
 okicalinigapi na iyecel igluacetupi
 kin he icanlonwaštepi na Taku
 Wakan iyokipi unkecinpi.

Cheyenne Agency, S. D.

Calvary Chapel etanhan.

Anpao kin:

Ito kola lehan taku wanji ya-
 otanin ciši kta wacin ye lo. Eya
 tohani cpe šni tka. Ho taku
 wakin kte cin lee; micinea wan
 hokšila ca lecala makite, May 3,
 1909, oštani te. Yunkan he tonpi
 na hetanhan waniyetu tom niun
 tka behanyan kin ataya zaniyan
 un šni canke Wakantanka wan
 yukan keyapi heon Okolakiciye el
 mazaska womnaye unpi kta cin el
 lila wawokiye unkiyapi lila
 unškanpi, tka hecen wanna
 makite na wotehi wala kta hececa
 eša Jesus lecen eye con he awaca-
 nmi "malipiya wokiconze el
 hokšicala kin hena iyotan tankapi"
 keye con heon wašagmičiyiye lo
 mitakuyepi.

Oscar C. Hawk

Corn Creek Mission District

Allen, S. D.

Anpao kin:

Lecala Catechist unkitawapi
 kin, Mr. Edward Black Bear
 cinca hokšila wan te na lila oiyo-

kišica, Herbert B. Bear eciyapi,
 March 5, 1909 el te. Ho oiyo-
 kišica eša, pte wan kikte na tacyata
 unyanpi kin oyasin wolunyanpi,
 na cante šica eša inihanšni lece-
 tu we lo, eye se econ. Heon tora
 Deacon, Catechists, inš Helper
 yaunpi kin wocekiye on kiksuyapi
 ye. Ake March 6, 1909 el Mr.
 George Dull Knife kinca wan te
 Bertha D. Knife. Ho oyanke el
 leniyos woakipa, unyuhapi, heon
 wocekiye on unkiksuyapi ye.
 Tona le wanlakapi nape ciyuzapi
 ye.

Mrs. Anna Black Thunder.

Anpao kin:

Lehanl taku wanji yaotanin
 ciši kta. Eya hekta St. Luke's
 Station wan Wososo cinkpa el un-
 qonpi qon he hekta Jan. 24, 1909,
 he oštani Sunkakiciyapi omniciye
 heca unkičicagapi na lena Wakan-
 tanka elkiya wowaši econpi kta e
 wicakalinigapi. Hena Okolakici-
 ye he yuwašagya škanpi kta heon.
 Samuel Little Bald Eagle, Itancan;
 Jacob Standing Bull, Okihe; James
 Never Miss a Shot, Wowapi kaga;
 Paul Noisy, Mazaska awanyaka;
 Wm. Eagle Thunder na Casey
 Red Shirt, Waawanyakapi; Chas.
 White Thunder, Wayazan awanya-
 ka; Alex. Leader, Tiyopa awanya-
 ka. Ho hena hecetu. Na lehanl
 Wakantanka el wowaši econqonpi
 kin he wokajuju yukan nawahon,
 yunkan tuwa wowaši wašte kin
 iyecel inšeya wokajuju wašte qopi
 kta; heon lecel epin kta, to tona B.
 C. U. el woičiconze on nape kici-
 yus naunjinpi hena to tuweni
 ayuštani šni ohinni kiciyus naun-
 jinpi unkiyutapi kte lo. Leon
 hepa, tohanl wawiyutan qon he el
 unhipi can ungnahela kiyuša un-
 hinglapi, na tuktel tokanl unkapi
 can le wocekiye kin wicawala heon
 wicohan wašte on wagli unkeyapi
 he wicaunkapi šni, heon to wowapi
 eya Wanikiya unkitawapi tohan
 onspeunkiyapi he ablesya na han-
 hiyakel unakayapi wašta, hececa
 kin wiyukeanpi ohanko kin he el
 unkipi kte šni; kinhan Wakantan-
 ka tipi kage cin oyasin iye iyokipi
 kta iyecel unkičiyuhapi kta, na
 hel woniya kin iyokipiya om yin
 kta. Ho heon tona Sunkakiciyapi
 omniciye el oyappi qon hena wi-
 cakeya el unškanpi kta na hel taku
 wanjiheci Wakantanka etan yuha
 wauncinpi kta. Leon hepa, Wo-
 tanin wašte kin he wicaša oyasin
 unqupi heon he tokel ka heci he
 ogna waconqonpi kta heon unqu-
 pi, ca sam kahol iyayecunkiciyapi
 kte šni. Tona wocekiye elkiya
 taku wicawalanpi kta hecina. Ho
 eya tonweni wowapi cičagapi šni
 tka Wakantanka elkiya lehanl wo-
 waši econmašipi yunkan he piwala
 heon lena blaotanin heon henakel
 epin kta. Ho tona B. C. U. el
 opeya yaškanpi qon hena oyasin
 lehanl napeciyuzapi.

James Never Miss a Shot.

Wiyohpeyata ohuta el otonwe
 wan yanke, na he Seattle eciyapi,
 wanna tanka icaga lakaš oyate
 300.000 el yankapi. Nahan oton-
 we kin he el wiyohpeyata mini-
 wanca kowakatanhan, na Alaska
 ekta yapi na betanhan gličupi kin
 otonwe kin he el hipi ece. Hece-
 tokata June wi kinhan, na bloketu
 ataya, hel wapazopi tanka econ-
 pi kta, na Alaska makoce etanhan
 taku ota etanhan yuataninpi kta.